

# **PERSIDANGAN ULAMA ANTARABANGSA 2017**

**26 - 28 JULAI 2017, 8.30 PETANG – 5.00 PETANG**

**UNIVERSITI TEKNOLOGI MALAYSIA, KUALA LUMPUR**

**Haflah Zikir Perdana Sedunia 2017** merupakan anjuran Pertubuhan Tarekat Muktabar Malaysia (PERTAMA) untuk kali yang ketiga dengan mewujudkan beberapa komponen. Antara komponennya adalah Persidangan Ulama Antarabangsa yang membincangkan isu-isu sejagat. Persidangan ini akan berlangsung pada 26 – 28 Julai 2017 di Universiti Teknologi Malaysia (UTM), Kuala Lumpur dengan kerjasama Center for Advanced Studies on Islam, Science and Civilisation (CASIS) Universiti Teknologi Malaysia (UTM) dan Yayasan Dakwah Islamiyah (YADIM). Persidangan ini mengambil tema “Islam dan Kebangkitan Peradaban” dengan kehadiran melebihi 30 buah negara.

Persidangan ini bertujuan untuk menjadi wasilah bagi menyampaikan jalan-jalan ke arah mencetus kebangkitan peradaban Islam dan kerangka keilmuan (*epistemological framework*) yang dibina di atas pemikiran Tan Sri Prof. Syed Muhammad Naquib al-Attas dan para sarjana Ahl al-Sunnah wa al-Jama'ah yang lain. Ditambah pula, persidangan ini semestinya boleh menjadi tempat bagi pembicara antarabangsa untuk berkongsi pengalaman dan jalan penyelesaian tulen di dalam menyelesaikan permasalahan kemasyarakatan kaum Muslimin di dalam konteks mereka masing-masing.

Objektif persidangan ini adalah membuat resolusi untuk menubuhkan Indeks Peradaban dunia Islam yang merangkumi pelbagai aspek pembangunan & pentadbiran sebagai mekanisme pencetus peradaban Islam dunia. Selain itu, membina generasi *ulul albab* (generasi bijak pandai) untuk mentadbir dan membangunkan dunia. Seterusnya, menggabungkan cetusan idea demi merealisasikan ketamadunan Islam seantero dunia.

Konsep yang dibawa pada tahun ini sedikit berbeza daripada tahun sebelumnya. Pada tahun ini akan mengumpulkan ulama-ulama seluruh dunia yang akan turut sama menyumbang idea dalam pembangunan ummah khasnya dan agama Islam amnya. Pada tahun ini, persidangan akan berlangsung selama 3 hari berturut-turut dan mengundang pembentang kertas kerja dalam kalangan ulama dan ahli akademik dalam dan luar negara.

Antara ucaptama yang akan dihidangkan kepada peserta persidangan adalah seperti berikut:

- 1) **Prof. Dr. Muhammad Zainiy Uthman** - Islamization of the Malay World  
According to Syed Muhammad Naquib al-Attas
- 2) **Datuk Hisham Abd Majid** - Toward Producing World Leader With Quranic, Encyclopedia and Ijtihadi World View
- 3) **Prof. Dr. Bilal Kuspinar** - The Significance Of Sufis' Conception Of Human: Mawlana Rumi's Treatment Of Human Nature
- 4) **Prof. Dr. Yusef Waghid** - Towards educational and civilizational revival

Semua kertas kerja yang terpilih akan dimuat naik ke **Jurnal Tarekat Tasawuf Antarabangsa (Jurnal Qalbu)** dengan syarat memenuhi kriteria jurnal untuk terbitan Disember 2017.

Diharap dengan penganjuran **Persidangan Ulama Antarabangsa 2017** ini menjadi platform untuk melahirkan lebih ramai ulama dan cendekiawan berkualiti yang turut sama memikirkan kemaslahatan ummah dan menjadi wadah ilmiah tercetusnya kebangkitan peradaban Islam sejagat.



PERTAMA